



**Concello de Vigo**

**ACTA DA XUNTA DE GOBERNO LOCAL  
Sesión do 10 de NOVEMBRO de 2023 (1572/1102)**

**ASISTENTES:**

**Membros :**

D. Abel Caballero Álvarez  
D<sup>a</sup> M<sup>a</sup> Carmen Silva Rego  
D. Francisco Javier Pardo Espiñeira  
D<sup>a</sup> Elena Espinosa Mangana  
D. Jaime Aneiros Pereira  
D<sup>a</sup> Patricia Rodríguez Calviño

**NON ASISTEN:**

D<sup>a</sup> M<sup>a</sup> José Caride Estévez  
D. Carlos López Font  
D<sup>a</sup> Yolanda Aguiar Castro  
D. Angel Rivas González

Na Casa do Concello de Vigo, ás catorce horas e quince minutos do día dez de novembro de dous mil vinte e tres e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Rodríguez Calviño, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, a secretaria de Goberno local, Sra. Gallardo Fariña, e o interventor xeral, Sr. Escariz Couso.

A Xunta de Goberno Local adopta os seguintes acordos:

**1(926).- RATIFICACIÓN DA URXENCIA.**

A Xunta de Goberno local ratifica a urxencia da sesión segundo consta nas dilixencias dos servizos incorporadas nos expedientes que se someten a aprobación na presente sesión.

Antes do tratamento dos asuntos para a súa aprobación, pola Secretaría do Goberno Local recóllese declaración expresa dos membros da Xunta de Goberno Local presentes na sesión de non incorrer en posible conflito de intereses, nos termos establecidos no modelo aprobado para a Xunta de Goberno Local por Resolución da Concellería Delegada de Xestión Municipal de data 24.02.2021, e de conformidade co Plan de Integridade na Contratación, aprobado pola Xunta de Goberno Local en data 12.12.2020, e o seu Desenvolvemento Operativo aprobado por resolución da Concellería Delegada de Xestión Municipal de data 17.12.2019.

**2(927).-MODIFICACIÓN ORZAMENTARIA N° 103/2023: CRÉDITO EXTRAORDINARIO. EXPTE. 85/142.**

Visto o informe de fiscalización de data 09/11/2023, dáse conta do informe-proposta de data 03/11/2023, asinado polo director superior contable e orzamentario e conformado polo concelleiro da Área de Goberno de Orzamentos e Facenda, que di o seguinte:

**Asunto:** Modificación de crédito financiada co recurso financeiro RLTGG/2022

**Orixe do Remanente líquido de Tesourería:** Liquidación do Orzamento do ano 2022

**Orzamento de aplicación:** Ano 2023

**Modificación orzamentaria, nº:** 103/2023

**Expediente que fundamenta a modificación, nº:** 85/142

**Programa que xestiona os Empregos:** Servizo de Comercio-Mercados

**Modificación de crédito:** Modalidade: Crédito Extraordinario.

**Importe:** 330.042,83 euros.

**Órgano competente:** Pleno da Corporación, previo acordo Xunta Goberno Local e Ditame da Comisión Informativa de Orzamentos e Facenda.

### **Antecedentes**

Resolución da Alcaldía de incoación do expediente coa memoria incluída.

Xustificación da modificación, polos servizos técnicos de Comercio.

Sentenza nº113/2023 do TSJG polas obras do Mercado do Progreso.

### **Xustificación**

Sentenza do TSJG, nº 113/2023 polas obras do Mercado do Progreso, que desestima o recurso de apelación interposto pola representación procesal do Concello de Vigo, contra a Sentenza de data 26/10/2022 ditada polo Xulgado do Contencioso-administrativo núm. 2 de Vigo, -que estima parcialmente o recurso contencioso-administrativo promovido pola representación procesal da Asociación Profesional de Empresarios Autónomos do Mercado do Progreso de Vigo contra a Resolución de 16/09/2021 ditada pola Xunta de Goberno Local do Concello de Vigo, anula e condena ao Ente Local a aboar á Asociación a cantidade de 330.042,83 euros, cuxo contido mantense.

Xustificación da insuficiencia de recursos para atender o emprego que se pretende.



## Concello de Vigo

A finalidade do crédito extraordinario é a de facer fronte aos gastos na reforma do Mercado do Progreso que sufragou a Asociación Profesional de Empresarios Autónomos do Mercado do Progreso, que ante a desestimación das súas reclamacións, presentou recurso contencioso administrativo que remata coa sentenza do TSJG, nº 113/2023, declarando a obriga da demandada (Concello de Vigo) de abonar á actora a suma de 330.042,83 euros como resarcimento de enriquecemento inxusto

Queda xustificada a inexistencia de crédito na bolsa de vinculación xurídica 4312.63

Queda xustificado o carácter concreto e específico do gasto.

En canto á inaprazabilidade do gasto, esta ven determinada pola execución da sentenza, por ter transcorrido máis de 3 meses dende a súa notificación que regula o artigo 106 da Lei 29/1988, de 13 de xuño, Reguladora da Xurisdición Contencioso – Administrativa e artigo 173 do texto refundido da Lei Reguladora das Facendas Locais, aprobado polo Real Decreto Lexislativo 2/2004.

Estamos pois nunha necesidade non aprazable ao ano 2024, sendo o obxectivo o seu pagamento no ano 2023.

Na memoria que xustifica a Resolución de inicio do expediente, abúndase na xustificación da tramitación do expediente.

Queda pois, legal e tecnicamente xustificada a tramitación deste expediente, tanto no apartado técnico en canto a inaprazabilidade das necesidades, como no ámbito legal, axustando o procedemento aos requirimentos contidos no artigo 177 do TRLRFL.

### **Normativa de aplicación**

Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, (TRLRFL).

Lei Orgánica 2/2012, de 27 de abril, de Estabilidade Orzamentaria e Sustentabilidade Financeira, (LOEOSF).

Regulamento (UE) Nº 549/2013 do Parlamento Europeo e do Consello, de 21 de maio de 2013, relativo ao Sistema Europeo de Contas Nacionais e Rexionais da Unión Europea ( SEC 2010).

Regulamento (CE) nº 1466/97 do Consello de 7 de xullo de 1997, relativo ao reforzamento da supervisión das situacións orzamentarias e á supervisión e coordinación das políticas económicas, coa modificación operada polo Regulamento 1175/2011, de 16 de novembro, do Parlamento e do Consello.

Lei 7/1985, de 2 de abril, Reguladora das Bases de Réxime Local, (LRBRL).

Lei 27/2013, de 27 de decembro de Racionalización e Sustentabilidade da Administración Local, (LRSAL).

Real Decreto 500/1990, de 20 de abril, polo que se desenvolve o título sexto da LRFL, (RP).

Orde EHA/3565/2008, de 3 de decembro, pola que se aproba a estrutura dos orzamentos das entidades locais coa modificación operada pola Orde HAP/419/2014, de 14 de marzo.

Resolucións do Sr. Alcalde Presidente de 18 e 26 de xuño de 2019 e texto consolidado do 20/09/2020 sobre delegación de competencias.

Bases de Execución do Orzamento.

Acordos adoptados sobre a suspensión dos obxectivos das regras fiscais de Estabilidade Orzamentaria, Regra de Gasto e Endebemento para o período 2020-2023 e se autoriza ás Entidades Locais aos empregos do Remanente Líquido de Tesourería de forma non finalista.

En todo caso, as EE.LL, deben ter como obxectivo, liquidar os Orzamentos do ano 2023 nunha senda de equilibrio, aínda que, este non é vinculante, sendo este un obxectivo de referencia.

### **Estado do Remanente Líquido de Tesoureira da Liquidación do ano 2022.**

<b>Remanente Líquido de Tesourería da liquidación 2022</b>	<b>Utilizado</b>	<b>Dispoñible</b>
Inicial (A)		<b>148.178.900,48</b>
Modificación incorporación de remanentes, expediente 245/143	90.292.128,35	
Modificación de crédito, Suplemento Festas, expediente 9705/335	1.840.000,00	
Modificación de crédito, Suplemento de Crédito, expediente 1761/441	2.025.141,57	
Modificación créditos, C. Extraordinario, Educación, expediente 82/142	5.842.500,00	
Modificación créditos, C. Extraordinario, Mercados, expediente 85/142	330.042,83	
Total remanente utilizado (B)	100.329.812,75	
Remanente dispoñible (A-B)		<b>47.849.087,73</b>

### **Expediente que se tramita**

En execución da Resolución do Sr. Alcalde-Presidente da data que se reflicte na sinatura electrónica, instrumentouse o expediente 85/142 de modificación orzamentaria nº (103/2023), que está conformado da seguinte documentación:

Informe xustificativo do Servizo de Comercio-Mercados dá necesidade técnica e económica de dotar de financiamento unha aplicación orzamentaria por unha contía de 330.042,83 euros para afrontar a sentenza do TSJG, nº 113/2023 polas obras do Mercado do Progreso, declarando a obriga do Concello de Vigo de abonar á Asociación Profesional de Empresarios Autónomos do Mercado do Progreso a contía de 330.042,83 euros, tendo



## Concello de Vigo

dispoñibilidade de recursos financeiros para afrontar o emprego no recurso financeiro que conforma o RLTGG da Liquidación do ano 2022.

Resolución de data 02/11/2023 do Sr. Sr. Concelleiro Delegado das Área de Parques e Xardíns, Comercio, Participación Cidadá e Festas especiais de inicio do expediente.

A utilización deste recurso non é contraria ao cumprimento dos obxectivos que conforman as regras fiscais, estando suspendidas no marco temporal 2020-2023, o resultado da Liquidación do Orzamento do ano 2023, non requirirá, calquera que sexa a contía do superávit/déficit e da evolución do gasto non financeiro, a tramitación e aprobación dun Plan Económico Financeiro. Non obstante, é un obxectivo manterse dentro das taxas de referencia aprobadas polo Goberno da Nación, no que se fixa para as Entidades Locais un obxectivo de equilibrio, que non é vinculante.

Faise constar, que en relación co endebedamento e sostibilidade financeira, a esta data, non está previsto ao peche do ano 2023 a concertación de operacións de crédito, polo que, non hai endebedamento financeiro, sendo o coeficiente de endebedamento calculado nos termos previstos no TRLRFL do 0%.

Á vista da documentación contida no expediente, para que prosiga a tramitación e conclusión do expediente, en cumprimento do previsto no artigo 123.h da Lei 7/1985, de 2 de abril, Reguladora das Bases de Réxime Local e artigo 177.1 do texto refundido da Lei Reguladora das Facendas Locais (TRLRFL), aprobado polo Real Decreto Legislativo 2/2004, de 5 de marzo, previo informe do Sr. Interventor Xeral Municipal, formúlase ao Pleno da Corporación, previo acordo da Xunta de Goberno Local e Ditame da Comisión Informativa de Orzamentos e Facenda, a adopción do seguinte acordo:

### **Proposta a Pleno previo acordo da Xunta de Goberno Local e Ditame da Comisión Informativa de Orzamentos e Facenda.**

PRIMEIRO.- Aprobar a modificación orzamentaria nº 103/2023, Crédito Extraordinario, correspondente ao expediente 85/142, para facer fronte a sentenza nº 113/2023 do TSJ, polas obras do Mercado do Progreso, declarando a obriga do Concello de Vigo de abonar á Asociación Profesional de Empresarios Autónomos do Mercado do Progreso a contía de 330.042,83 euros, para o que non existe crédito no orzamento do ano 2023, que resultan empregos inaprazables, quedando xustificada na memoria tanto a inaprazabilidade dos empregos como a falta de dotación orzamentaria para esta finalidade.

A modificación orzamentaria financiarase con cargo ao Remanente Líquido de Tesourería para Gastos Xerais dispoñible correspondente á Liquidación do Orzamento do ano 2022, que segundo o previsto no artigo 104 do Real Decreto 500/1990, constitúe un recurso financeiro para o financiamento de modificacións de crédito. A cuantificación deste recurso figura no expediente e na proposta, que resulta un recurso financeiro adecuado para dar cobertura á modificación orzamentaria nº 103/2023.

Aplicación	Proxecto	Mercados	C.inicial	I.Remanentes	C.Extraordinario	Total ano	Concepto	Importe
4312.6320001	10421001	Sentenza n.º 262/2022	,00	,00	330.042,83	330.042,83	87000	330.042,83

SEGUNDO.- Unha vez aprobada inicialmente a modificación orzamentaria, en cumprimento do previsto no art. 169 do TRLRFL, o expediente someterase a exposición pública, previo anuncio no Boletín Oficial da Provincia de Pontevedra, por un período de 15 días hábiles, durante os cales os interesados poderán interpoñer reclamacións.

TERCEIRO.- De non presentarse reclamacións no citado prazo, o expediente entenderase definitivamente aprobado, elevándose a aprobación inicial a definitiva, procedéndose a súa publicación no BOPP, sendo executivos os créditos a partires da súa publicación.

De presentarse reclamacións, en cumprimento do regulamentado no artigo 169 do TRLRFL, estas serán resoltas polo Pleno da Corporación no prazo dun mes, sometendo a proposta de resolución das mesmas así como a aprobación definitiva da modificación orzamentaria ao citado órgano.

As reclamacións consideraranse rexeitadas en calquera caso se non se resolven no acordo de aprobación definitiva (artigo 20 do RP).

CUARTO.- Ao amparo do previsto no artigo 171 do TRLRFL, contra a aprobación definitiva da concesión do Crédito Extraordinario e Suplemento de Crédito poderá interperse directamente recurso contencioso-administrativo na forma e prazos que establece o artigo 46 da Lei 29/1998, de 13 de xullo, aínda que a interposición do recurso non suspenderá por se só a aplicación dos créditos relacionados no expediente 85/142.

QUINTO.- Unha vez aprobado pola Xunta de Goberno Local o expediente, o Servizo xestor poderá iniciar a tramitación do expediente administrativo de aplicación dos recursos.

### **ACORDO**

A Xunta de Goberno local aproba a proposta contida no precedente informe.

### **3(928).- EXPEDIENTE DE CONTRATACIÓN DA PRESTACIÓN DO SERVIZO DE ANIMACIÓNS PARA A CABALGATA DE REIS MAGOS 2024. EXPTE. 9948/335.**

Visto o informe xurídico e o informe de fiscalización, ambos do 10/11/2023, dáse conta do informe-proposta, da mesma data, asinado pola técnica de Admón. Xeral e pola concelleira da Área de Goberno, que di o seguinte:



## Concello de Vigo

### **NORMATIVA DE APLICACIÓN**

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (LCSP)
- Real decreto 1098/2001, de 12 de outubro, polo que se aproba o Regulamento xeneral da Lei de contratos das administracións públicas (RLCAP).
- Lei 7/1985, do 2 de abril, reguladora das bases do réxime local (LBRL)
- Real decreto lexislativo 781/1986, do 18 de abril, texto refundido das disposicións legais vixentes en materia de réxime local (TRRL)
- Lei 5/1997, do 22 de xullo de Administración Local de Galicia (LALGA)

### **ANTECEDENTES**

**Primeiro.-** Mediante resolución do 3 de outubro de 2023, a concelleira da área de Seguridade, Contratación, Festas e Xestión Municipal resolveu iniciar o expediente de contratación da prestación do servizo de animacións para a Cabalgata de Reis 2024.

**Segundo.-** No expediente tramitado para o efecto consta a seguinte documentación:

- A xustificación da necesidade e idoneidade do contrato á que se refire o artigo 28 da Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (en adiante LCSP), coa resolución da concellería delegada que inicia o expediente (artigo 116 LCSP), de data 3 de outubro de 2023.
- Este contrato está incluído no Plan anual de contratación do Concello de Vigo para o exercicio 2023, aprobado pola Xunta de Goberno local na sesión do 30 de decembro de 2022 e publicado no perfil de contratante no contrato “Organización da Cabalgata de Reis 2024”, por un importe de 250.000,00 € .
- Prego de prescricións técnicas particulares (artigo 116.3 LCSP) de data 31 de outubro de 2023.
- Declaración da redactora do prego de prescricións técnicas particulares de data 31 de outubro de 2023.
- Memoria económica de data 9 de novembro de 2023, que recolle:
  - Xustificación do prezo do contrato, do orzamento base de licitación e do valor estimado do contrato (e o seu método de cálculo) aos que fai referencia o artigo 102 LCSP.
  - Xustificación de que o contrato non suporá desequilibrio orzamentario por atoparse contemplado o gasto no orzamento e que non afectará á sustentabilidade financeira do Concello (artigo 7.3 da Lei orgánica 2/2012, do 27 de abril).
  - Forma de aboamento do prezo (artigo 67.2ñ do RLCAP).
- Certificado de retención de crédito de data 2 de novembro de 2023 (operación nº 202300196424 - RCFUT-).

- Memoria xustificativa de data 9 de novembro de 2023, relativa aos seguintes extremos:
  - Xustificación da insuficiencia de medios (artigo 116 LCSP).
  - A xustificación do procedemento elixido (artigo 116.4 LCSP) resulta innecesaria por tratarse dun procedemento aberto.
  - Xustificación do prazo de duración dos contratos e de execución da prestación (artigo 29 LCSP).
  - Xustificación da solvencia que se esixirá aos licitadores entre os medios previstos nos artigos 87 a 91 LCSP.
  - Xustificación da elección dos criterios de adxudicación e da súa adecuación ao obxecto do contrato (artigo 145.1 LCSP); así como a xustificación das fórmulas de valoración (artigo 146.2LCSP). Ao tratarse dun servizo dos incluídos no Anexo IV da LCSP, o 60% da puntuación atribúese a criterios de calidade.
  - Xustificación da non necesidade de fixar un prazo de garantía (artigo 67.2.t RLCAP).
  - Lugar de entrega das prestacións obxecto do contrato (artigo 67,5.f e 67.7.e RLCAP).
  - Xustificación das condicións especiais de execución (artigos 116.4.c) e 202 LCSP).

## FUNDAMENTOS DE DEREITO

**Primeiro.-** O expediente de contratación, de acordo co disposto no artigo 116.1 da LCSP iniciárase polo órgano de contratación. Por resolucións de Alcaldía de delegacións competenciais de data 20/06/2023 e 28/06/2023 vixentes no momento da iniciación deste expediente, corresponde á concelleira da área de goberno Seguridade, Contratación, Festas e Xestión Municipal o inicio do expediente.

**Segundo.-** No expediente consta, tal e como prevé o artigo 116.3 do LCSP, o prego de prescricións técnicas particulares redactado pola xefa da Área de Contratación e Novos Proxectos e o prego de cláusulas administrativas particulares asinado pola técnica de administración xeral da Área de Contratación por delegación da xefa da Área de Contratación e Novos Proxectos de data 30 de outubro de 2023.

**Terceiro.-** O procedemento elixido para a contratación é o procedemento aberto, por canto, de acordo co artigo 156 LCSP, por motivos que garantan a libre concorrencia.

**Cuarto.-** Con carácter previo á aprobación do expediente, emitírase informe preceptivo da titular da Asesoría Xurídica (Disposición Adicional 3ª.8 da LCSP), así como a incorporación de certificado de existencia de crédito e fiscalización previa da Intervención (artigo 116.3 da LCSP).

**Quinto.-** A aprobación do expediente de contratación correspóndelle á Xunta de Goberno Local, na súa calidade de órgano de contratación (Disposición Adicional 2ª.4 da LCSP). A resolución deberá ser motivada e aprobará o expediente de contratación





## Concello de Vigo

e disporá a apertura do procedemento de adxudicación e implicará a aprobación do gasto (artigo 117.1 LCSP).

### **PROPOSTA**

Por todo o exposto, e previo informe xurídico favorable e de fiscalización da Intervención Xeral de conformidade co previsto no artigo 116.3 da LCP, e o documento contable, propónse a Xunta de Goberno Local a adopción do seguinte **ACORDO**:

*“Primeiro: Aprobar o expediente de contratación polo procedemento aberto e tramitación ordinaria do contrato da prestación do servizo de animacións para a Cabalgata de Reis 2024.*

*Segundo: Aprobar o Prego de Prescricións Técnicas de 31 de outubro de 2023 asinado pola Xefa da Área de Contratación e Novos Proxectos e o Prego de Cláusulas Administrativas Particulares, do 9 de novembro de 2023 asinados pola técnica de administración xeral por delegación da Xefa da Área de Contratación e Novos Proxectos de data 30 de outubro de 2023.*

*Terceiro: Asumir o compromiso de dotar de crédito suficiente por un importe base de licitación de 99.825,00 €, sendo o valor estimado do contrato de 82.500 €, a aplicación orzamentaria 3380.226.0901 (Cabalgata de Reis) para o orzamento do ano 2024.*

*O gasto correspondente a este expediente é de 99.825,00 €, imputarase como anticipado de gasto á aplicación 3380.226.0901 (Cabalgata de Reis) do programa orzamentario de Festas para o exercicio 2024.*

*Cuarto: Abrir o procedemento de licitación para a selección do contratista na forma prevista na lexislación vixente”.*

### **ACORDO**

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. Presidente rematou a sesión ás catorce horas e vinte minutos. Como secretaria dou fe.

SGF/me.

A CONCELLEIRA-SECRETARIA DA XUNTA DE GOBERNO LOCAL,  
Patricia Rodríguez Calviño.

O ALCALDE  
Abel Caballero Álvarez